

延喜式

大學

卅

庫文官政太			
		八	和
		一〇	書
		四	門
六	一	九	類
一	〇	九	類
冊	架	函	號

庫文閣內			
		八	和
		一〇	書
		四	類
七	九	函	架
一	五	冊	架
一	〇	九	架
冊	架	函	架

內閣文庫	
番號	和 8044
冊數	61 (20)
函號	179 68



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





延喜式卷第二十

從四位下行侍從兼出羽守源朝臣齊恒按



釋奠十一座

二座

先聖文宣王
先師顏子

座別籩十

堅塩乾魚乾棗栗黄榛子人
菱人芡人鹿脯白餅黑餅

豆十

葑菹醢菁菹鹿醢芥菹菟醢
笋菹魚醢脾折菹豚胎

延喜式卷第二十

簋二稷飯 簋二稻飯 甄三大羹 鉶三肉俎 三三牲

從祀九座閔子騫 冉伯牛 仲弓 冉有 季路 宰我 子貢 子游 子夏

座別籩二栗黃 豆二葵菹 簋一稷飯 甄一黍飯

大羹 鉶一宗俎 一牲

先聖酒樽罍三具

犧樽二明水 象樽二明水 罍二玄酒 爵三在洗

坫一聖賢 杓六樽罍別

先師樽罍三具並同上

爵卅十座 福酒爵二已上爵 胙宗俎一 籩一 羹

斲三別加 盥罍一加 洗一 爵中 篚一 幣 篚二

右禮器在寮家當祭時出死諸司

白帛三丈六尺二座幣各一丈八尺 暴布三條各長四尺

中楸版二枚各長一尺二寸厚六分

右申省所受

名香二兩 油二升 盞八口 燈炷新布八條

炭一籠 松明六束

右所司供設

三牲

大鹿 小鹿 各加五臟

豕

菟

新醢

右六衛府別大鹿小鹿豕各一頭先祭一日

進之以充牲其菟一頭先祭三月致大膳臈

乾曝造醢祭日辨貢其貢進之次以左近為

一番諸衛輪轉終而更始

凡諸衛所進之牲若致腐臭早從返却令撥進

之

凡享日在園韓神并春日大原野等祭之前及

與祭日相當停用三牲及菟代之以魚其魚每

府令進五寸以上鯉鮒之類五十隻鮮潔者

凡魚醢者大膳臈造備臨祭辨貢之

凡蕩實堅塩五顆乾魚乾棗栗黃榛子人菱人

芡人各一升大鹿脯小鹿脯各一斤八兩白餅

黑餅各用米二升

黑餅以黑黍

豆實韭菹一升醢醢

五合菁菹一升鹿醢五合芥菹一升菟醢五合

笋菹一升。魚醢五合。脯脾析菹五合。用鹿百葉豚胎
 五合。葵菹一升。簋簠實。稷飯用米六合。黍稻梁
 飯各用米七合。大羹肉羹皆滿。甄釧樽罍皆一
 斗。為量。牲者皆載。右胖體十一。前脚三節。肩臂
 臠節一段。皆載之後脚三節。每節一段。去下一
 節。載上。肫髀二節。又取正脊。挺脊。橫脊。短脇。正
 脇。代脇各二骨。以竝餘皆不設。餘者左方也。獸
 卧下左故不用也。左盛別貢物。韓櫃二合。各有
 官形結新木綿二斤八

兩。曝布二條。各長一丈二幅。綠帛二條。各長一丈五幅。白紗帊
 二條。各長一丈四幅。縹帛帶四條。各長二丈四尺。廣二寸。盛清酒
 漆壺二合。各受一斗八升。安壺案二脚。各長三尺一寸。廣一尺七寸。高
 二尺。杓二柄。酒盞二口。備盤。白紗帊二條。各長八尺。廣
 六寸。縹帛帶四條。各長八尺。廣二寸五分。

右器并帊帶等在寮家。當祭時出充。

前享并日具。注享日及幣帛。并掃除寮內。夫等
 數申省。春一百人。秋二百人。若上丁。當國忌及祈年祭日

蝕等改用中丁其諒闇之年雖從吉服享停

前亨十日講經并執經執讀侍講者等名申省

但侍講者十人已下六人已上

預享之官散齋三日致齋二日散齋皆於正寢致齋一日於本

司一日於享所其無本司者皆於享所散齋理事如舊唯不弔喪

問疾不作樂不判署刑殺文書不行刑罰不預

穢惡致齋唯亨事得行其餘悉斷其享官已齋

而闕者通擇行事餘館官學官及諸學生雅樂

工人皆清齋於學館一宿諸享官致齋之日給

朝夕酒食各習禮於齋所致齋日給酒食合一

百一人但大藏掃部木工人左三獻三人掌奠

獻事著旒冕謁者三人掌導引大祝二人掌授

紺衣緋裳祭文賜居廟司一人置聖賢像并廟室鋪設事

郊社令三人掌設幣神位及陳樽罍奉禮郎

一人掌設廟庭諸贊者二人掌受辭贊引五人

位及儀式事彈正一人觀者二人學協律郎一人掌執麾節

十六人並著緋衣裳皂緣掌奠俎豆事齋郎五十人立著青衫服館官一

人學官一人彈正忠疏各一人除省饌具行掃

違事大藏省一人掌設下并陳饌具所等幕事掃部寮一

人掌廂室并享大膳職一人掌設饌具事并木

工寮一人工四人掌為瘞垢亦瘞幣并大炊寮

一人掌取明火主殿寮一人掌灑掃堂上供燒

造酒司一人掌設三主水司一人掌設明雅樂

寮一人工人廿人掌奏左右京兵士各四人掌

廂門禁

陳設

前享三日掃部寮設獻官以下次於齋坊

前享二日寮官差定享官訖文章得業生以下

入自南門立門屏內東上重行屬執札在座唱

數隨即稱唯就版每滿十人寮掌稱直立隨即

版東北面北上十人成列立定允命云明日候

廟門稱唯退出

同日雅樂寮設樂懸於厠庭俗用風樂王殿寮條掃
廟內外掃部寮鋪設厠內滿室為期木工寮為
瘞培於院內堂之壬地方深取足容物

前享一日大膳職到大學寮濯漑器物新理饌
具大炊寮取明火於陽燧以供主水司取明水

於陰鑿以供實樽罍奉禮郎設三獻位於東門之內

道北設執事位於道南每等異位俱西面北上

設望瘞位於堂之東北當瘞培之東西向設彈

正忠位於厠堂之下西南東向疏陪其後設奉

禮位於樂懸東北贊者二人在南差退俱西面

設郊社令厠司大膳職位於奉禮東西面又設

奉禮贊者位於瘞培東北南面東上設大祝二

人位於瘞培西南東面設忠疏贊引位於瘞培

西東面疏陪其後設協律郎位於厠堂上前楹

之間近西東向設館官位於懸東執事西南西

向設學官位於懸西當館官東向設學生位於

館官學官之後俱重行北上。設觀者位於南門內道之左右。重行北面相對為首。設三獻門外。位於東門之外。道南。設執豆位於其後。每等異位。俱北向西上。設館官學官位於三獻東南。俱重行北向。以西為上。設酒樽之位於堂上。先聖犧樽二象。樽二壘。一在前楹間。北向東上。先師犧樽二象。樽二壘。二在先聖酒樽之東西上。樽皆加杓。冪有站以置爵。其十座之爵同置於一站。設洗東階。東南北

向壘水在洗東。篚在洗西南。肆。篚實先聖爵三并巾。執樽壘篚冪者。各位於樽壘篚冪之後。設幣篚二各於樽站之所。

同日午。一剋。寮官率亨官會集。廂門屬執札唱計。獻者只載禮。不唱名。若六位。博士被差職掌其唱稱姓。謁者以下隨即稱唯。然後習禮。若相當廢務。先是行之。未一刻。左右京兵士衛廂。二門。晡後郊社令帥齋郎。以樽站壘洗篚冪。入設於位。外堂自頭助詣厨視灌溉。彈正東階。

忠疏省饌具享日未明五刻郊社令率其屬及
廡司各服其服升設先聖神座於廡室內中楹
間南向設先師首坐及閔子騫冉伯牛仲弓冉
有座於先聖東南向西上設季路宰我子貢子
游子夏座於先聖西南向東上

饋享

享日未明三刻諸享官各服祭服諸陪祭之官
皆公服預享學生青衿服郊社令帥所司入實

樽罍及幣大膳臠大炊寮帥其屬實諸簋豆簠
簋等

未明二刻奉禮帥贊者先入自南門就位贊引
忠疏大祝及執樽罍篚冪者入自東門當階間
重行北面東上立定奉禮曰再拜贊者承傳凡

禮有詞贊者皆承傳忠以下皆再拜訖執樽罍篚冪者各
就位贊引忠大祝詣東階升堂行掃除於上自
戶入察先聖坐東行察顏子等坐疏行掃除於
西行察仲由等坐助行掃除亦同

下訖引就位。謁者引享官以下俱就門外位。其學生並入自南門就門內位。未明一刻。協律郎雅樂寮帥工人次入自南門就位。謁者引助入就位。立定奉禮曰再拜。助再拜。謁者引助詣東階升堂行掃除於上。降行樂懸於下。訖引還本位。初助行掃除訖。謁者贊引各引享官以下學官以上次入就位。立定奉禮曰衆官再拜。衆官及學生皆再拜。其先拜者不拜謁者進頭之左白。有司

謹具請行。夏退復位。協律郎跪俛伏舉麾。凡取物者跪伏而取以興奠物。樂作三成。偃麾樂止。奉禮曰衆官再拜。衆官在位者及學生皆再拜。大祝俱跪取幣於篚。興各立於樽所。謁者引頭升自東階入自中戶。進先聖神座前北向立。大祝以幣入自中戶。東向授頭。頭受幣。登歌作樂。謁者引頭進北向跪奠於先聖神座興。少退北向再拜。謁者引頭當先師首座前北向立。大祝以幣

入自東戶西向授頭頭受幣謁者引頭進北向
 跪奠於先師首座興少退北向再拜登歌止謁
 者引頭降復位初頭既升奠幣大膳臧出進饌
 者奉饌陳於東門之外頭降復位大膳臧引饌
 入俎初入門樂作饌至階樂止饌升大祝迎引
 於階上各設於神座前升東階設先聖及先師
 及東四座升西階設西
 五坐其籩豆蓋冪先撤乃升籩簋既奠却其蓋
 於下籩居右豆居左籩簋於其間大鹿小鹿二
 俎橫而重於右設訖大膳以下降復位大祝還
 豕俎特於左

樽所謂謁者引頭訖盥洗盥手洗爵訖引升自東
 階訖先聖酒樽所執樽者舉冪頭酌醴齋樂作
 引入自中戶訖先聖神座前北向跪奠爵俛伏
 興少退北向立樂止大祝持版進於神座之右
 東面跪讀祝文曰維某年歲次月朔日子天子
 謹遣大學頭位姓名敢昭告于先聖文宣王惟
 王固天攸縱誕降生知經緯禮樂闡揚文教餘
 烈遺風千載是仰俾茲末學依仁遊藝謹以制

幣犧齋粢盛庶品。祀奉旧章。式陳明薦。以先師
 顏子等配。尚饗。大祝興頭再拜。初讀祝文。訖樂
 作。大祝進跪奠版於神座。興還樽所。頭拜訖樂
 止。謁者引頭詣先師酒樽。所取爵於坵。執樽者
 舉冪頭酌醴。齋樂作。謁者引頭進先師首座前。
 北向跪奠爵。興少退北面立。樂止。頭奠首座爵
餘座皆齋郎
助奠左升東階右升西階相視共
入其亞獻終獻齋郎助奠亦如之大祝持版進
 於先師首座之左。西向跪讀祝文曰。維某年歲

次月朔日子。天子謹遣大學頭位姓名。昭告于
 先師顏子等十賢。爰以仲春。仲秋率導故實。敬修
 釋奠于先聖文宣王。惟子等。或服膺聖教。德冠
 四科。或光闡儒風。貽範千載。謹以制幣犧齋粢
 盛庶品。式陳明獻。從祀配神。尚饗。大祝興頭再
 拜。初讀祝文。訖樂作。祝奠版於神座。興還樽所。
 頭拜訖樂止。謁者引頭詣東序。西向立。大祝各
 以爵酌壘福酒。合置一爵。一大祝持爵進頭之

左北向立頭再拜受爵跪祭酒啐酒奠爵俛伏
 興大祝帥齋郎進俎跪減先聖及先師首座前
 三牲胙宗皆取前脚加於俎又以籩取黍稷飯
 興以胙宗各共置一俎上又以飯共置一籩大
 祝先以飯籩授頭頭受授齋郎又以俎授頭頭
 每受以授齋郎頭跪取爵遂飲卒爵大祝受爵
 復於坫頭俛伏興再拜謁者引頭降復位樂作
 立定樂止初頭獻將畢謁者引助詣壘洗盥手

洗爵訖謁者引升自東階詣先聖酒樽所執樽
 者舉冪助酌盞齋訖樂作謁者引助進先聖神
 座前北向跪奠爵興謁者引少退北向再拜訖
 謁者引助詣先師酒樽所取爵於坫執樽者舉
 冪助酌盞齋謁者引助進先師首座前北面跪
 奠爵興少退助再拜訖謁者引助詣東序西向
 立大祝各以爵酌壘福酒合置一爵一大祝持
 爵進助之左助再拜受爵跪祭酒遂飲卒爵大

祝進受爵復於坫助興再拜。謁者引降復位。初
 助獻將畢謁者引博士詣壘洗盥洗訖升酌盞
 齋如亞獻之儀訖引降復位樂止大祝等各進
 跪撤豆興還樽所。撤者籩豆各一少移於故處奉禮曰賜胙
 贊者唱衆官再拜衆官在位及學生皆再拜。已飲
 福受胙者不拜樂作奉禮曰衆官再拜衆官在位者及
 學生皆再拜樂一成止謁者進頭之左白請就
 望座位謁者引頭就望座位西面立奉禮贊者

轉就座坫東北位初在位者將拜訖大祝各執
 籩進神座前跪取幣興降自西階詣座坫以幣
 置於坫訖奉禮曰可座坫東西廂木各二人
 實土半坫謁者進頭之左白禮畢遂引頭出謁
 者贊引各引享官已下以次出初白禮畢奉禮
 帥贊者還本位贊引忠疏大祝以下俱復執豆
 位立定奉禮曰再拜忠疏以下皆再拜贊引引
 出諸學生以次出其祝版燔於齋所。

講論

講論

享畢諸司裝束都堂院皇太子於東門外下輦
 入自都堂院東掖門外北東階入堂戶就座式
 部省率諸大夫及學生已上列立南門外參議
 已上入自東掖門就座諸大夫已下依喚參入
 就座次贊者著緋衣裳皂綠引執經執讀各著縫腋服從各
 八人著青衫服入自南門就庭中箕之西北向日再
 拜執經執讀就同箕再拜訖引升堂就講座訖

執讀讀所講經執經釋義訖察官人執如意授
 若天子幸者頭執授皇太子允授大臣以下
 屬授侍講五位以上及諸博士官人學生等願
 問疑者受如意興進詣論義座之南立稱官位
 姓名再拜就座問所疑執經為之通訖置如意
 退還本座諸侍講者以次問難皆如上儀講論
 訖退出所司設座備饌式部省先率諸大夫以
 下分列如前次參議已上行立門外共入謝座

謝酒各以著座觴行三巡五位已上暫以起座
六位已下退去五位已上更著宴座省率六位
已下文人於庭中再拜著堂上座文章博士隨
上宣獻題文人賦詩此間明經明法算等道博
士率學生論義其後文人獻詩改座讀畢群官
散去

問者

凡問者昇座之時其次第者諸博士文章得業
生文章生明經明法算業生散位諸道學生

禁過

凡釋奠祭日左右檢非違使各一人率看燈火
長等勘紉廟院都堂濫惡之輩

祿

凡講論畢申省給祿執經絕六疋綿十屯布八
端執讀絕四疋綿十屯布六端侍講者絕二疋
綿五屯布三端

內裡
論義

凡釋奠秋祭座主博士引問者等候於內裏隨
召昇殿一一論義
凡釋奠祭供奉職掌學生已上祭畢之後具錄

交名

交名申於別當。

執掌

凡釋奠祭大膳職執掌官人名自官下知察家若有奠祭不法之事言上其狀。

神坐

凡神座褥至夏每月一度曬曝。

祭器

凡祭器弊則埋祭服弊則燒。

講卷

凡應講說書籍者先錄講書并博士名申省始日本司設座於堂上省輔已下學生已上各著座諸博士皆集講場相共論義終日儀亦同若有不

通義者講畢之日注其所疑申省。

凡應講說者禮記左傳各限七百七十日周禮

儀禮毛詩律各四百八十日周易三百一十日

尚書論語各二百日孝經六十日三史文選

各准大經公羊穀梁孫子五曹九章六章綴術

各准小經三關重差周髀共准小經海嶋九司

亦共准小經。

凡博士講說者依日數給食新。

日米二升酒一升塩一合東籩

二兩雜 腊二兩 雜 鮮二兩 誦說訖准經賞錢大

海藻一兩 油夜別一合 經卅貫 中經卅貫 小經一十貫 論語孝經共一

十貫 其三史文選律各准大經 令孫子五曹九

章六章綴術各准小經 三開重差周髀共准小

經 海嶼九司亦共准小經

座新

凡講書博士已下 座新黃端茵四枚 折薦茵四

留學

枚 長疊廿八枚 竝隔三年申省 請受十日 凡學生入學經九年不成業者 錄名送省 但雖

時服

過年限才近 成立量狀聽留 凡得業生者 明經四人 文章二人 明法二人 算

二人 竝賜夏冬時服 人別夏純一疋 布一端 冬

純二疋 綿四屯 布二端 申省給之

凡漢語師并生 并賜時服 人別夏純四丈 五尺

冬純一疋 三丈 綿四屯

凡得業生者 補了更學七年已上 不計前年待

得業試

國貢學生准此

入學

試學生

凡學生入學者，物錄名簿，每日點檢，勸道習業。凡試貢舉學生者，初日官人一人率受試學生，向省後日不須。

凡遊學之徒，情願入學，不限年多少，物加簡試。其有通一經聽預學生，但諸王及五位已上子孫，不煩簡試。

講經

凡須講經生者，三經傳生者，三史明法生者，律令算生者，漢晉律曆志大衍曆議九章六章周

受業師

髡定天論，立應任用諸國博士，被任之後，所給公廨十分之一。每年割留隨國所出交易輕物，付貢調使送察令充本受業師。若有未進拘使返抄，但諸道博士得業生等，兼國并非受業人，不在此限。

文章生試

凡擬文章生，每年春秋簡試，以下第已上者，補文章生。縱落第之輩，猶願一割聽任舉之。凡擬文章生，以廿人為限，補其闕者，待博士舉。

食口

即察博士共試一史文五條以通三以上者補之其不任察家者不得貢舉。凡學生補食口者令得業生文章生等各隨其業試之五條之中通三以上為及第音生書生但明經明法算等生先奉遊學試紀傳學生歷察試者不更試之。

燈油錢

凡諸博士學生等計宿給燈油新錢明經博士夜別各廿文餘博士十五文先生十文後生五文用越後國墾田五十町地子物充之。

博士卒死

凡諸博士卒死無資殯葬賻物之外殊給官物但其數臨時處分。

諸國博士

凡諸國博士待解由到省之日即令下寮以本業讀書取寮申送日數令得其考。

寮

凡寮家雜書不得輒借與他人但聽學生於寮中讀閱之。

凡寮家官書二年一度曝涼諸學生役其事。

凡察家官書目錄造三通其一通進省一通送勘解由使

醫師

凡典藥醫師一人令直於察

音試

凡試年分度者遣音博士一人就僧綱所試漢

音

權史

凡權史生二人預諸國庄事若有關者申省補

之

修理

凡木工寮工部一人飛驒工一人充寮令修理

道石

凡都堂院中庭并東西兩道石者式部民部兩

省隨損敷之

稻諸國

凡常陸國稱稻五万四千束近江越中備前伊

豫等國各一万束預國司出舉以其息利春米

并交易輕物每年附貢調使送納充於察家雜

用若有未進移主計寮拘使返抄

凡丹後國稻八百束預國司每年出舉以其息

米月新

諸堂座

諸田

利交易味物送寮充學生等菜新。出舉以其具
 凡官人已下月新米前月廿五日受大炊寮其
 關官不仕新充寮中雜用。
 凡寮家月新米者不更待口宣而受之。
 凡諸堂食座新長壘十枚三年一為請替。
 凡越中國礪波郡壘田地壹拾捌町肆段貳佰
 步就中熟田十三町二段卅步未開地五町二
 段百六十步播磨國印南郡壘田地壹拾漆町

佰捌拾步就中熟田五町二段二百八十八步
 未開地九町七段二百五十二步荒田一町九
 段三百廿四步山城國久世郡七町。

右田准鄉價賃租以充學生食。

山城國久世郡白田一町永為菜圃其在京中
 園地者任令得業生等居住若有餘地者種殖
 雜菜以充食新。

學生等年中食新塩者仰備前國司每年出舉

塩

正稅一千束以其息利交關於進

延喜式卷第二十一

延長五年十二月廿六日

外從五位下行左大史臣阿刀宿禰忠行

從五位上行勘解由次官兼外記紀伊權介臣伴宿禰兼

從四位上行神祇伯臣大中臣朝臣安則

大納言正三位兼行民部卿臣藤原朝臣清貫

左大臣正位兼行左近衛大將皇太子傳臣藤原朝臣忠平

